


YEESU MASIYA


Omuunu Unu Kaayindura Emyoyo Ja Abhaanu



Chinu Niki




Amabhando: Ni bhiinu bhyone bhya ekisi bhinu Nyamuwanga keenda okuyaana abhaanu bhanu abhakora bhuri chiinu chinu keenda (Orugobho rwa 10-11).



Ebhibhiibi: Ni jinu echikora jiteeyire ku-ryenda rya Nyamuwanga jinu ejireeterera chitaamibhwe okukingira obhutinge bhwa Nyamuwanga bhunu ari nabhwo kw-iswe (Orugobho rwa 4).

Eriikirisya: Okwikirisya Nyamuwanga ku-chinu :aaragire okukora (Orugobho rwa 58).



Inyabhurira: Mu-Nyabhurira owutura okusoma kutyo Nyamuwanga kaaringira abhaanu na kutyo kaabhafurubhendera.

Itumwa: Omuruubhirisya wa Yeesu (Orugobho rwa 18).

Maraayika: Ni mutumwa wa Nyamuwanga unu atakubhonekana (Orugobho rwa 5).



Masiya: Omukama "Omubhambagwa wa Amafuta." Masiya (ni musango gwa Echiyebhuraniya) rigajuuwe mu-Chiyunaani ati Kirisito (Orugobho rwa 52 na 55).

Mwoyo Mweru: Mwoyo wa Nyamuwanga unu keenda okwikara mu-myoyo ja bhanu abharuubha Yeesu (Orugobho rwa 58).



Obhukama bhwa Nyamuwanga: Obhukama bhwa Nyamuwanga bhuri anu abhaanu abhamugayuka.

Obhumwi: Abharuubhirisya bha Yeesu abheechukaga orufu rwaye na obhusuuruko kwa omukaate na echifuufu (Orugobho rwa 41).



Obhusuuruko: Yeesu :aasuurukire mu-bhafuuwe. Rusiku rumwi abhaanu bhoone bharisuururwa mu-bhafuuwe. Niwo Nyamuwanga ariramura bhuri muunu (Orugobho rwa 53-57).

Obhuwanga bhwa akajaanende koone: Obhurame na Yeesu rwa kutyo Nyamuwanga :aakarariye. Obhuyiga orufu bhutari na obhuteero (Orugobho rwa 23, 29-30 na bhwa 59).

Okufwira echigongo: Nyamuwanga kaafwira echigongo ebhibhiibi nooro kutyo atari-wo omuunu unu eeyire. Nyamuwanga kaafwira echigongo araabha chimari utaaeye ebhibhiibi na oweenda okubhisiga. Okufwirwa echigongo okubhonekana kwa okubha Yeesu :aagegere ebhitiibha bhyeswe bhinu eswe chaariga chiirwe (Orugobho rwa 58).

Okusubha kwa Yeesu: Bhuri chiinu chiribha chiyaaya omwanya gunu Yeesu arisubha ku-chaaro. Orwire na echaaro bhiriindurwa na Nyamuwanga (Orugobho rwa 57).

Okwambuka: Ni chikukuru ya okusuuruka kwa Yeesu. Obhusimukwa bhwayo yaariga iri kwichuka obhuchungusi bhwa Abhayisirayeeri okusooka Miisiri. Ichikukuru eyo :yaabhirikiywe wone ati okwambuka (Orugobho rwa 38-54).

Omusarabha: Ni riiti rya ebhinyaasyo rinu bhabhambire-ko Yeesu kwa okwenda kwaye omwene. Ryabha echibharikisyo ku-bharuubhirisya bhoone bha Yeesu (Orugobho rwa 25 na orwa 50).

Omwana wa Nyamuwanga: Ni siina rya Yeesu. Ni Nyamuwanga unu :eejire ku-chaaro rwa omuunu, rwa Omwana wa Nyamuwanga.

Risabhwa: Owusimura na Nyamuwanga, bhujibhiye amwi owaamura obhuraka na owumutegeresya (Orugobho rwa 18, 19, 42).

Syetaani: Omusoko wa Nyamuwanga na abhaanu unu atakubhonekana (wone kaamenyekana rwa Omubhiibi).

Yeesu: Risiina rya Omwana wa Nyamuwanga, obhugajuro bhwayo ni ati, "Nyamuwanga kaachungura."



Ku-mwanya Gwa Yeesu

Omwanya gweswe okwamba na okwibhurwa kwa Yeesu. Abhaanu bhaariga nibhaja mu-rugendo kwa okuribhata maguru amwi kwa okuriinya ku-sikiri, ku-ngamiya amwi ku-faraasi. Jimbaara jinyafu ja Bhuraaya, Ebhuwuruka esubha ya Agati na Ebhurimbe ya Afirika jaariga jitungirwe na iserekaari ya Echiruumi. Ku-mwanya ogwo, abhaanu abhaafu bhaariga bhatakumenya okusoma na okukaama, nawe Abhayawudi mu-Yisirayeeri bhaariga nibhamenya. :Bhaatogerwe ati "abhaanu bha Echitabho."

Nyamuwanga kaayika mu-Chitabho, mu-Nyabhurira. Omwene ni Mubhumbi wa bhuri chiinu na keenda okubha omusaani wa bhuri muunu. Yeesu :eeresiisye ogwo abhwerubhweru.

Yeesu Masiya Niga?

Yeesu :aaramire wuti myaka bhiwumbi bhibhiri jinu jiturire mu-chaaro cha Yisirayeeri. Echimutoga ati "Yeesu Masiya" amwi ati "Yeesu Kirisito." Obhugajuro bhwago ni Mukama. Jitari ati omwene ni Mukama era. Yeesu :aabhirikiywe "Omwana wa Nyamuwanga" wone ati "Omwana wa Omuunu." Gunu guri na obhugajuro ati omwene ni Nyamuwanga na ni muunu. Orugani rwa obhurame bhwa Yeesu rweresiibhwe mu-Nyabhurira. Ni rugani runene bhuri mwanya.





Yisirayeeri Ku-mwanya Gwa Yeesu

Omusi omukuru: Yerusareemu

Emikoowa: Gariraaya, Samaariya, Yuudeya.

Obhunene: Jikiromeeta bhiwumbi makumi gabhiri na etaanu na esatu kutya.

Akatungiiywe ka echaaro: Omwanya gwa ribhirabhira.

Isiyaasa: Okusookerera omwaka gwa makumi gataanu na rimwi na esatu Kirisito achaari okwibhurwa Abhayisirayeeri :bhaatungirwe na Abharuumi.

Iserekaari: Omutungi wa Echiruumi, Pootiyo Piraato, :aatungire Yisirayeeri. Tibheeriyo, kayisaari wa Echiruumi, niwe aariga ari mukama.




Idiini: Ebhuyawudi. Abhayawudi bhaariga bhari na Riyekaru mu-musi gwa Yerusareemu.

Bhaariga bhari-wo abhagabhisi bhanu :bhaakorere emirimu ja mbaga nyafunyafu ja idiini na bhaariga bhari-wo abheeyigisya (rwa Abhafarisaayo) bhanu jaariga jiri bhusibhusi okwiyigisya abhaanu ameeyigisyo ga Inyabhurira.

Inyayika: Echiyebhuraniya (inyayika ya Abhayawudi), Echiyunaani (inyayika ya ebhyaro), Echiratiini (inyayika ya Abharuumi).



Ni kurwa ki abhaanu bhaafu
abheekofyanya ku-musima?



Mutengeeje,
obhukama bhwa
Nyamuwanga
obhuuja!



Woori, mwambe obhurame obhuyaaya.




Indamu ya Nyamuwanga iri rwa imbasa inu iirabhirwe okutema emisi ja riiti.





Bhuri riiti rinu ritakutwasya amatwasyo ga ekisi riritemwa na okweswa mu-muriro.

Eswe bhoone wone echitura okutemwa. Niga unu kaatura okwikara obhurame bhwa ekisi?

Chimari! Atari-wo omuunu unu kaatura okwikenga indamu ya Nyamuwanga. Nawe, anye nikasooka-wo kaaja owundi unu ariyindura chimwi emitima jeemwe.



Angu, chimari omwenda obhurame bhwemwe bhuyindurwe? Mbe, mute ebhibhiibhi bhyemwe na muuje mubhatijibhwe mu-manji munu.




Woori, mweesibhwa ebhibhiibhi bhyemwe, korereki mwambe obhurame obhuyaaya.

Bhuri muunu kaabhirikira omuraasya urya ku-musima
arya, ati Yowana Omubhatiija.

Anye nitari chiinu.
Enichumachuma injira ya
unu ariija okuchimenyesya
ati Nyamuwanga niga.
Aribhabhatiija kwa Mwoyo
wa Nyamuwanga na kwa
omuroro gwa Nyamuwanga.
Echikorwa echo,
chiriyindura chimwi
emitima jeemwe.



Neeya...



Jikabheeye
ja kisi awe
naawe
umbatiije!



Awe mbatiija era.
Nikwo kutyo
echikumisya
okwenda kwa
Nyamuwanga.




Raata, obhukama
bhawo bhujje
na okwenda
kwawo
kukorekane.




Niwo obhuraka
okusooka mu-rwire
nibhwayika ati...

Yee, awe naawe
Omwana waani
Omwendwa.
Nikwendere. Naawe
owunkondisya.



Ni ku-bhwambiro bhwa omwanya gweswe gunu niwo Yowana Omubhatiija keeraabha Abhayisirayeeri mu-kuuja kwa Masiya. Omwanya ogwo Yisirayeeri yaariga iri tooto era ku-bhutungi obhukuru bhwa Echiruumi.



Abhayawudi mu-chaaro cha Yisirayeeri abheeyungwa ati, bhatari na amanaga, ka wone abhanyaasibhwa. Ni bhaanu bhanu abharindirira kwa obhwira omwanya gunu Masiya ariija. Omwene niwe Omuchungusi unu okuuja kwaye kuragirwe mu-bhitabho bhya kara bhya Echiyawudi. Masiya oyo, ariikirisisya obhurengeresi bhwa Nyamuwanga okuyiga.

Ku-musima gwa Yorodaani arya, Yowana Omubhatiija kaasoroomesya Yeesu okweresya ati urya niwe Yeesu.

Ringira! Urya niwe Inaama ya Nyamuwanga unu kaasoosya-wo ebhibhiibi bhya abhaanu.



Yeesu ejire aamara okubhatiijibhwa, Mwoyo wa Nyamuwanga kaamutangasya okuja mw-ibhara.

Korereki akore kisi, ni bhusibhusi Yeesu eeresye abhwerubhweru obhukarariye bhwa Nyamuwanga ku-chaaro. Ni bhutinge bhwa Nyamuwanga ati, abhaanu bheekenge omutege gwa orufu.

Keekara eyo, siku makumi gana mu-ngeta na mu-mwisi. Eyo, atakurya echiryo choonechoone. Kaasabhwa na okwiyima ebhiryo, korereki amenye kisi emirimu jaaye kutyo jiri.



Yeesu kaaregeejibhwa na Syetaani, omutungi wa echisuute nyatabhonekana, niwe kaatunga echaaro kwa orufu na okwa obhunyamuke.



Yee Raata! Enija okukora gwonegwo ne gunu oweenda.



Nawe Syetaani, omuyingirisi waaye kaaregeeja okukongya Yeesu, korereki asige okukuumisya

emirimu ia Nyamuwanga.

Araabha awe uri Mwana wa Nyamuwanga, indura amabhuyi ganu gabhe emikaate.

Wuri! Jikaamirwe mu-Bhikaame Ebhyeru ati, "Obhurame bhwa omuunu bhutari ku-bhyokurya era, tari okwamba kaakena omusango gunu ogusooka mu-kanwa ka Nyamuwanga."

Araabha chimari uri Mwana wa Nyamuwanga, yeeresya abhweru! Ijunga ugwe aasi, okusooka ku-ruuswi rwa Riyekaru. Angu, jitakaamirwe mu-Bhikaame Ebhyeru ati, owugwa mu-mabhoko ga bhamaraayika?




Jikaamirwe wone ati, "Waasiga okuregeeja Nyamuwanga."



Araabha ukandamya, enikuyaana obhuturo bhwone ku-chaaro.


Sooka anu, Syetaani! Jikaamirwe mu-bhiraagi bhya Muusa ati, Echikenwa chiramye Nyamuwanga na okumukorera emirimu omwene era.

Niwo Syetaani ^naasiga Yeesu wenyere. Awoawo, bhamaraayika bha Nyamuwanga nibhaaja okumusakira.




Yeesu kaasubha Gariraaya eejusiibhwe Mwoyo Mweru. Yeesu :aakuriye mu-mukoowa gunu, nigwo omukoowa gwa abhaanu abhaafu gunu guri ebhuwanga ya Yisirayeeri. Omwanya gunu kaaribhata abhaanu abharebhe abharuubhana nage. Bhari na obhwira bhwa okumenya, araabha Yeesu niwe Masiya unu emisango jaaye jikaamirwe na abharagi.

Mu-musi gwa Kaana, orubhaara
orurebhe mu-bhiima bhya Gariraaya,
obhuregesi obhukorekana.



Yeesu, nyiramwene aamwi na
abhasaani abharebhe bha Yeesu
wone bhari mu-bhuregesi obhwo.



Nawe agatigati ya obhuregesi...

Ebhando ebhiibhi echifuufu chaawa.

Mukore era choonechoone chinu Yeesu kaabhabhwira.

Mwijusye amanzi mu-matuumo ago, mukamara mutaye amanzi ago, musirire Omukuru wa Obhuregesi agarabhe.

Ganu gatari manji. Nawe chinu ni chifuufu! Ka ni chifuufu mbaga ki chinu!

Nuuyirabhe. Awe waabhiika echifuufu cha ekisi okukingira ku-bhuteero.


?

Itakuturikana! Nichaariga okuja mu-bhuregesi rwa bhunu. Nichaariga okurora amanzi nigayinduka okubha echifuufu! Echifuufu cha ekisi muno!

Ogwo nigwo gwariga guri murimu gwa Yeesu wa Najareeti.

Omwene niga?

Kaperinaawumu ni musu gwa obhutegi gunu gukorere kisi ku-njekekera ya omwaro gwa Gariraaya. Anu niwo Yeesu kaamba okuraasya abhwerubhweru inguru ya obhukama bhwa Nyamuwanga!




Peetero, fuga ingama chigende ebusibha, mwese rigooobhe ryemwe erya.

Ka anu niwo Yeesu kaasora abheeyigisibhwa bhaaye bha okwamba.



Awe Mwami cheekomeesya okukora emirimu ingeta yoone na chitaabhona echiinu choonechoone chirya.



Nawe araabha waayika kutyo...



Ni chiruguusyo!
Nitakusombookerwa wuri!






Yakobho!
Yowana!
Muuje anu!
Chichaariga
okwita jiiswi
nyafu rwa
jinu!



Raatabhugenyi, sooka
kw-anye. Anye niri
owa ebhibhiibi.

Peetero awe, siga
okuubhaya!

Munduubhe! Enija okubhakora
mukumanyega abhaanu rwa
kutyo mwariga nimutega
jiiswi!




Munduubhe!

Yeesu kaagosorera mbaara joone ja Gariraaya aamwi na abheeyigisibhwa bhaaye. Kaabhwira bhuri muunu inguru ya obhukama bhwa Nyamuwanga. Kaawosya mbaga nyafunyafu ja amarwara na okusoosya-ko amasambwa ku-bhaanu. Abhaanu abharuguura na okumuruubha. Abhandi abhasooka nooro mu-mikoowa ejindi na Yerusareemu, omusi omukuru gwa Yisirayeeri. Abheeyikanya bhuri musango gwaye...



Bhari na ribhando abhataka mu-myoyo, kwa okubha obhukama bhwa mu-rwire ni bhwebhwe.


Bhari na ribhando abha omweko na obhwiro bhwa okukora obhurengeresi, kwa okubha Nyamuwanga aribheegutya.



Bhari na ribhando bhanu abharira, kwa okubha bharisimbiisibhwa.



Emwe muri na ribhando araabha abhaanu abhabhanyaasya ku-songa yaani. Mukondererwe na okusandabha muno, kwa okubha echiyaanwa cheemwe ni chinene mu-rwire.





Mukorerega abhaanu abhandi jinu omwenda abheene wone bhabhakorere.

Omurume woonewoone unu kaaringira omugasi na okumurigira, mu-mutima gwaye aakorere obhuromesi na omugasi oyo.



Mwasiga okuyaya inguru ya mutondo. Muyenjeresye okwamba obhukama bhwa Nyamuwanga, na ebhiinu ebhindi ebhyo bhyone muryongesibhwa.



Mwende abhasoko bheemwe na okubhasabirwa.

Eriiso riri rwa idara ya omubhiri. Araabha eriiso ryawo ni wanga mbe, omubhiri gwawo gwone guri mu-bhweru. Nawe araabha eriiso ryawo erirora mawereresi omubhiri gwawo guri mu-chisuute.




Mwasiga okukora ebhikorwa bhya ekisi nimwiyeresya ku-bhaanu korereki bhabhakuuye, tari mukore bhumbise.



Atari-wo omuunu unu kaatura okukorera emirimu abhaami bhabhiri, Nyamuwanga amwi obhuniibhi.




Ukagayuka emisango jaani, owubha rwa omuunu unu koombaka inju yaaye ku-rutare. Araabha ukarema okujigayuka, owubha rwa omuunu unu koombaka inju yaaye ku-musenyi.



Rusiku rumwi amayijo ga abhaanu gaariga gari mu-nju munu Yeesu aariga ari mu-musi gwa Kaperinaawumu...

Chitakutura wuri okwingira omwo.



Ni bhusibhusi chimusye mu-rusara, chimwisyeye ari kw-iraro ryaye.


Ni musango ki omwangu gunu owutura okubhwira omuunu unu afuuwe omubhiri, "Waafwirwa echigongo ebhibhiibhi bhyawo," amwi ati, "Imereeguru, uribhate"?

Omwene kaatura kutiki! Angu, mwoongwa omusango ogwo?



Omuunu unu keeyimirisya Nyamuwanga!

Nyamuwanga wenyere, niwe kaatura okufwira echigongo ebhibhiibhi.




Chiri-wo ki mu-ruuswi eyo?

Mubhasige! Abhasaani abho, bhari na eriikirisya rinene!



Waafwirwa echigongo ebhibhiibhi bhyawo!



Masiya ari na obhuturo bhwa okufwira echigongo ebhibhiibhi. Nawe enikubhwira wone ati, "Gega obhuriri bhawo, ugende!"




Ni chiruguusyo!

Yee! Woori enitura okuribhata!


Ringira, kaaribhata!

Nawe jitari ati, bhuri muunu kaakondererwa ebhikorwa bhya Yeesu. Abhatangasya bha idiini abhatatirisya araabha Yeesu kaagayuka ebhiraagirowa bhya orusikurwa Isabhaato. Omuunu woonewoone mu-chaaro cha Yisirayeeri, atakwikirisibhwa nooro na akatyari okukora omurimu gwonegwone ku-rusiku runu.



Omuunu unu okubhoko kwaye kufuuwe. Angu, echiikirisibhwa ku-rusikurwa reero okukora eja ekisi?

Abhatungi bha Abhayawudi Yerusareemu ni bhusibhusi unu bhabhwirwe ati omuunu unu kaayabhya riyanga.



Inamusya okubhoko kwawo!



Naawora wee! Naawora!

Ni bhusibhusi unu chimusingaa risye!



Amayijo ga abhaanu bhunu ageyongesya, Yeesu na abheeyigisibhwa bhaaye, abhariinya mu-ngama nibhatura mu-nyanja ya Gariraaya.







Raatabhugenyi chisakire! Echisingaarika!









Ni kurwa ki omuubhaya? Riryaki eriikirisya ryemwe?











Angu, enitura okugenda aamwi na awe?


Wuri, nuusubhe ewaanyu era. Nuubhwire bhuri muunu jinu Nyamuwanga aakukorera!




Enibhabhwira ati, Omwana atakutura okukora omusango gwonegwone wenyere. Omwene kaakora era gunu kaarora Esemwene kaakora. Nitakuregeeja okukora gunu eneenda tari okwenda kwa Raata. Omwene niwe :aantumire.




Bhuri mwanya Yeesu kaagendaga anu abhaanu bhatari, korereki asabhwe eyo.




Yeesu okumara risabhwa ryaye rya ingeta yoone, woori kaasora jitumwa jaaye ekumi na bhabhiri. Kaabhatuma bhabhiribhiri. Kaabhayaana obhuturo bhwa okusoosya-ko amasambwa ku-bhaanu na obhwa okuwosya imba yooone ja amarwara



Bhanu ni bhayiri, Peetero na Andereya...



Bhayiri bhandi ni Yakobho na Yowana...



Firipo na Bthatoromaayo...


Tomaasi na Mataayo (unu ku-bhwambiro awo aariga ari mutobhesya wa rigooti ku-bhutungi bhwa Echiruumi).




Tadaayo na Yakobho owundi...




Simooni (omuyingirisi wa ribhaasi) na Yuuda Isikariyooti.



Mugende, omuunu woonewoone unu kaabhakuma, kaabha aankumire, na woonewoone unu kaankuma, kaabha akumire Nyamuwanga unu :aantumire.




Ebhigeswa ni bhyafu, nawe abhagesi ni bhatyari. Musabhwe Raatabhugenyi omwene esambu, korereki oongesye abhagesi bhandi mw-isambu ryaye bhaje okugesasa.



Jitumwa ekumi na bhabhiri bhanu abhasubha bhari na rikonderwa enene muno inguru ya obhukosi bhwebhwe. Ejo okuwa Yeesu keenda agende nabho anu abhaanu bhatari, nawe echise cha abhaanu chitakwenda okubhasiga wuri.

Yeesu keeyigisya abhaanu na okuwosya abharwaye rindi. Woori bhwacha...



Firipo, abhaanu bhanu bhoone abhabhona kutiki ebhiryo? Mubhayaane ebhiryo bhyonebhyone bharye.


Omuyeero gwa ameesi gataanu na gasatu gutakeeyire ku-bhaanu bhanu.

Anu ari-wo omumura unu ari na emikaate etaanu na ebhiswi bhitooto bhimbiri. Ebhyo nibhyo bhiri-wo era.


Mubhwire abhaanu bhatege jinenda, na bhuri nenda ibhe na abhaanu makumi gataanutaanu.




Yeesu kaasiima Nyamuwanga...




Kaabheganya emikaate na ebhiswi bhiryu.



Ebhiwumbi bhya abhaanu ebhiriisibhwa omwanya ogwoogwo Yeesu koongesya ebhiryo...



Ni bhusibhusi chimukore okubha Omukama.



Ni bhusibhusi unu niwe Masiya unu kaarindirirwa aaje.

Ringira mbere! Ebhitukuru ekumi na bhibhiri bhiijuuye obhusigara!



Omwanya gunu abhaanu abhakenwa bhasubhe iika. Emwe muriinye mu-ngama mugende ku-ngego eyindi. Anye enisigara ku-chiima anu korereki nisabhwe.






Bhari-wo abhaanu bhanu abheenda okumwawura korereki Yeesu abhe omukama. Abheeyikanya ati, ku-bhutangasya bhwaye, obhutungi bhwa Echiruumi bhurisoosibhwa-wo. Wone abharemi bha Yeesu abhagenderera okwiyongesya. Abhagenderera okusitaaka siku joone. Abheenda okumusokanya na abhaanu korereki bhamusingaarisyey.




Raatabhugenyi, :waakingire anu rusiku ri?

Angu, omunyenja inguru ya emikaate jirya :naabhayaaye?



Mwasiga okunyaakirira ebhiryoy bhinu bhiribhora, tari muyenje ebhiryoy ebhya obhuwanga bhwa akajaanende.



Anye naanye omukaate gwa obhuwanga. Omubhiri gwani nigwo ogusoosibhwa inguru ya obhurame bhwa echaaro.



Angu, omuunu unu kaatura kutiki okuchiyaana omubhiri gwaye korereki chigurye?

Obhwo ni bhuwosoosoke!






Chisooke anu.


Unu kaajiga bhuri muunu.



Angu, emwe wone omwenda okugenda?


Raatabhugenyi, echija okuja ewaaga? Awe uri na emisango ja obhuwanga bhwa akajaanende koone!






Kwiya kaafu abhaanu abheetirwa ku-mwira gwa omusi gwa Yerusareemu. Eyo, niyo abhabhambwa ku-musarabha, na echo nicho echitiibha cha orufu cha Echiruumi.

Omuunu woonewoone unu keenda okuwon'ya obhurame bhwaye omwene, niwe aribhusya obhuwanga bhwa akajaanende koone. Nawe omuunu woonewoone unu kaabhusya obhurame bhwaye inguru yaani, niwe aribhuchungura akajaanende koone.



Araabha omuunu woonewoone keenda okubha omuruubhirisya waani, ni bhusibhusi eereme omwene, abhature omusarabha gwaye, anduubhe.



Owukenwa umenye ati, ari-wo Nyamuwanga umwi wenyera.




Omusango omunene ni ati, wende Nyamuwanga waawo kwa omutima gwawo gwone, na wende abhaanu abhandi rwa kutyo owiyenda omwene!

Ku-mwanya gunu, jiri-wo jinguuyo ja abhagenge mu-Yisirayeeri. Ebhigenge ni bhurwaye obhubhiibhi muno. Abhaanu bhanu bhaturiiywe obhurwaye obhwo, bhatakukenwa kusaasikana na abhaanu bhanu bhatabhurwaye.



Abhagenge abhamwayaga omwanya gunu abhagendaga orubhaara rwonerwone rurya korereki bhakengye abhaanu abhandi ati, abheene abhaaja eyo.

Eswe chiri bhagenge!
Eswe chiri bhagenge!



Yeesu! Raatabhugenyi nuuchifwire echigongo!






Mugende,
mwiyesye
ku-bhagabhisi!




Angu, chigende
ku-bhagabhisi? Okuringirwa?


Angu, niwo woori echija okuwora?



? !




Ringira!
Naawora!




Chaawora!

Yee! Eniribhata
kisi!



Nyamuwanga
akusibhwe!
Nyamuwanga ni wa kisi
muno. Wakondya,
Nyamuwanga!



Angu, tari ati abhaanu ekumi
bhawosiibhwe? Abhandi
bhataanu na bhana bhari aaki?
Mbawo bhataaja okusiima
Nyamuwanga?




Imereguru! Jitari ati eriikirisya
ryawo ryakuwosya era, tari
wone ryakuchungura.

Abhatangasya bha Abhayawudi, Yerusareemu eyo, abhatuma abhakosi bheebhwe ku-Yeesu okumutatisyisa omwanya gunu kaagendaga orugendo. Abhatangasya abho, abharema kata ebhikorwa bhyaye bhya ekisi.

Ari na obhumwi na abhaanu bha jitungwa jimbiibhi, rwa abharomesi na abhatobhesya bha rigooti bhanu abhakorera Abharuumi...

Masiya eejire okuyenja abhaanu bhanu bhabhurire korereki abhachungure.




Yeesu kaawosyaga abharwaye orusiku rwa Isabhaato...

Wora!



Eendere na abhaana muno...

Musige abhaana abharera bhaaje kw-anye. Obhukama bhwa Nyamuwanga ni bhwa abhaanu bhanu bhari rwa abhaana bhanu.



Yeesu kaabhirikirwa okuja mu-
ruguuyo rwa Bheetaniya, runu
rusiijeene na Yerusareemu.
Rajaaro ni murwaye. Rajaaro
aamwi na abhayara bhaabho
bhabhiri, Maarita na Maryamu
ni bhasaani bha Yeesu bhanene
muno. Yeesu okukinga
Bheetaniya koongwa ati,
okusookerera Rajaaro asiikirwe
jaaturire siku ena...



Raatabhugenyi, wakabheeye uri
anu omundurume waani
:ataakafuwe.



Anye naanye obhusuuruko na
obhuwanga. Omuunu
woonwoone unu kaanyikirisya
aribha muwanga. Maarita, angu
owiikirisya ogwo?



Maarita, omundurume waawo
kaja okusuuruka rindi.



Yee Raatabhugenyi! Eniikirisya
ati, naawe Masiya Omwana wa
Nyamuwanga unu aragirwe
okuuja ku-chaaro.



Yee enimenya. Arisuuruka
rindi ku-bhusuuruko bhwa
orusiku rwa obhuteero.



Mumusiikire
aaki?

Raatabhugenyi
iija urore anu
chimusiikire!





Muringire!
Chimari, aariga
amwendere
muno.

Nawe ataaturire
kutiki okuyingirira
Rajaaro asige
okufwa?

Mu-mbaara jinu, abhafuuwe bhaariga nibhasingirwa mw-isanda,
nibhatuurwa mu-fwa jinu jaariga jisimbirwe ku-rutare.



Musoosye-wo ribhuyi
eryo ku-fwa!

Raatabhugenyi, aambire
okuwunya, okubha
aamarire siku ena...

Reero, omuja okurora
rikusyo rya
Nyamuwanga.


Raata, enaayika jinu korereki
abhaanu bhanu bhari anu,
bheekirisye ati naawe untumire.

**Rajaaro, sooka
mu-fwa! Iija
anja enu!**



Mumusoosisye-ko
amasanda ago,
mumusige agosore.

Abhatungi bha Abhayawudi Yerusareemu, abheetimaata muno inguru ya Yeesu na abharuubhirisya bhaaye.



Omuunu oyo, kaakora ebhiruguusyo bhyafu muno.

Araabha chikamusiga agenderere okubhikora, Abharuumi abhaja okukora obhuramusi bhusito.

Bharisingaarisya Riyekaru ryeswe na riyanga ryeswe!



Mukabhuke. Ni nyakara muno omuunu umwi afwire abhaanu bhoone okukira okusingaarisya riyanga ryone.



Nikwo okukora Yeesu ni bhusibhusi eetwe!

Okwambira omwanya ogwo na okugenderera, abhatangasya bha Abhayawudi nibhayenjaga omwanya gwa okutuura Yeesu mu-mabhoko ga Abharuumi. Abharuumi abho era, nibho bheekirisiibhwe okusoosya echitiibha cha okwita.


Bhunu Yeesu aariga ari Bheetaniya...




Amafuta ga ebhirange ago, ni ga obhurambu bhunene muno.



Maryamu!




Jikabheeye kisi muno araabha amafuta ganu gakagusiibhwe na jimpirya ejo, jiyaanwe abhataka!




Yuuda, siga okunyaasya omugasi oyo. Kaabhambaga omubhiri gwani amafuta okunyiraabha ku-rusiku rwa okusiikwa kwani.

Woori ichikukuru ya Okwambuka yarebherera okukinga.
Ebhise bhya abhaanu ebhija Yerusareemu.




Mu-musi gwa Yerusareemu,
abhatangasya abharomera
Yeesu iniku ya okugwatwa.
Nooro kutyo omwene kaakora
obhutinge bhwa okuja
mu-musi omwo.



Abhaanu abhamukuma kwa esandabha enene.

Kora bhwangwe!

Kora bhwangwe!




Ari na ribhando unu kaaja kw-isiina rya Raatabhugenyi!

Niwe Omukama wa Yisirayeeri!




Yerusareemu, jikabheeye kisi araabha mukasombookeeywe injira ya okubhona omurembe. Nawe mutakwenda.



Chikore kutiki woori emisango jikabha rwa kutya?

Echaaro choone echimuruubha.

Riyekaru rinu riri mu-musi
omukuru ogwo, nimwo abhaanu
abheekumanya okuramya.



Omwanya gwa ichikukuru ya
Okwambuka, jinaama
ejiitwagwa.



Jinaama ejisoosibhwa echoogo
mw-Iyekaru, okugwatanya
abhaanu na Nyamuwanga.



Nawe, choogo cha inaama ya
mbaga ki chinu chimari echitura
okusoosya abhaanu mu-bhibhiibi
bhyebhwe?









Ku-rubhuga rwa Riyekaru abhaanu
abhakora jifurubhendo ja okwibhusya-mo
na okuyingyanya jimpirya.



Awoawo Yeesu
keengira
mu-rubhuga
omwo...









Chikamujiga era echitura okumugwata. Niwo woori echitura okumwita.

Nawe gwasiga okubha omwanya gwa ichikukuru. Chitakwenda inyaako yooneyoone omwanya gwa ichikukuru ya Okwambuka.

Omuja okundiya ki araabha nikatuura Yeesu mu-mabhoko geemwe?

Oyo niwe Yuuda, owumwi wa abheeyigisibhwa bhaaye!




Enija okutuura Yeesu mu-mabhoko geemwe!

Echija okukuyaana ebhibhaara makumi gasatu ga jiyera ukachituurira Yeesu mu-mabhoko geeswe. Jimpirya ejo, jingeeene na obhugusi bhwa okugura omugaya.





Yeesu kaasimura na abhaanu mw-Iyekaru ku-mwanya gwa siku ndebhe, ruhaari okukinga orusiku rwa ichikukuru ya Okwambuka, nooro kutyo abhatangasya siku joone abharegeeja okumuyingirira asige okukora kutyo. Peetero na Yowana abheeraabha ebhiryo bhya Okwambuka.



Enija okukora kutyo mu-ngeta ya reero.

Keegoro eyo, Yeesu na jitumwa jaaye ekumi na bhabhiri abhabhugana mu-musi okurya ebhiryo bhya Okwambuka.







Neendere muno okurya ebhiryo bhya Okwambuka aamwi na emwe, nichaari okunyaasibhwa.



Abhatungi abhatunga abhaanu abhandi kwa amanaga, nawe jisige okubha kutyo kw-imwe.



Omuunu unu kaakorera emirimu bhoone niwe aribha omutangasya weemwe.



Anye niri agati yeemwe rwa omukosi weemwe.





Raatabhugenyi, owuja okunyosya amaguru?
Wuri! Utakunyosya nooro na akatyari!

Raatabhugenyi, araabha nikwo
kutyo, woori nuunyosye omutwe
na amabhoko wone!

Omuunu unu
oogere
atakukena
okwoga rindi,
tari okwiyosya
amaguru
gaaye.


Peetero, araabha nitakwosya amaguru gaawo, mbe,
nuumenye ati utakuja okubha na obhumwi na anye.

Omumbirikira ati Raatabhugenyi na
Omwiigisya, omukora kisi. Okubha
nikwo kutyo niri. Araabha anye
noosya amaguru geemwe, mbe emwe
wone omukenwa okwosyanya
amaguru geemwe kutyokutyo.

Owumwi weemwe
kaja okundomera
iniku.


Wuri!

Nitari anye?



Yuuda, chinu
oweenda okukora,
nuuchikore
bhwangu.






Mukorega kutya,
korereki
munyichukega...



Mugege omukaate
gunu, nigwo
omubhiri gwani.



Mugege echikombe chinu, nigo
amaanyinga gaani ganu ageetika
ku-songa yeemwe. Ku-njira inu
Nyamuwanga kaakora indagano
inyaaya na emwe.




Enibhayaana echiraagiyo
echiyaaya, mwendane rwa
kutyo anye nibheendere.

Araabha mukeendana,
abhaanu bhoone abhaja
okumenya ati, emwe muri
bheeyigisibhwa bhaani.

Raatabhugenyi, anye enija okukuruubha
woonwoone anu owuja. Nirisoosya
obhurame bhvani inguru yaawo.

Peetero, mu-ngeta inu,
rikookorome richaari
okukookoroma, owubha
wanyigaanire kwiya
kasatu.





Omwanya okutura keegoro irya, Yeesu na abheeyigisibhwa bhaaye abhasooka mu-musi gurya. Yuuda atari aamwi nabho...

Anye nirisigana na emwe, nawe Raata arituma Mwoyo Mweru kw-imwe. Mwoyo oyo, aribhasakira na okubha na emwe siku joone.



Emwe mumenyere injira ya okugenda anu enija.



Naanye injira, echimari na obhuwanga. Atari-wo omuunu unu kaatura okuja ku-Raata ataturire kw-anye okwamba.



Mubhe anu okwamba, anye enigenda okusabhwa Nyamuwanga.



Raata araabha ejiturikana, usooisye-wo ebhinyaasyo bhinu.



Nawe jaasiga okubha rwa kutyo anye eneenda, tari rwa kutyo awe oweenda!



Omutura kutiki okuwongera omwanya gwa inyaako rwa gunu? Murafye! Rora unu kaandomera iniku aakingire!



Omuunu unu enija okukeesya kwa okumufumbeera, niwe mugwate.



Naakukeesya, Omwiyigisya!


Awe Yuuda! Owuromera iniku Masiya kwa okumufumbeera?



Raatabhugenyi, chibharwane?



Wuri, mubhasige!



Yeesu keekirisya bhamugwate. Nawe abheeyigisibhwa bhaaye abheeruka, bhuri muunu rubhaara rwaye.

Yeesu kaasirwa ku-mugabhisi omukuru. Omughabisi oyo, niwe omukuru wa abhatangasya bhoone bha Abhayawudi. Peetero na Yowana abharuubhirira Yeesu kurakura.



Peetero keengira mu-rubhuga rwa omugabhisi omukuru.



Angu, awe waariga utari nage?



Wuri, anye nitakumumenya oyo.

Angu, jitari ati, awe wone uri umwi weebhwe?



Wuri, nitari anye!

Ni chimari! Awe waariga uri arya! Okubha awe wone uri Mugariraaya!





Nitakumenya nooro gunu owaayika.



Awoawo, rikookorome erikookoroma. Kookorowiiko...



Yeesu kaaringira Peetero mu-bhusu...



Mbe woori bharikisya, niga unu aakubhuma?



Katondo yende-ko Yeesu kaaretwa imbere ya ribharaja rya abhatangasya bha Abhayawudi.


Angu, awe uri Mwana wa Nyamuwanga?

Neemwe abhaayiki.




Keeyimirisya! Eeyirwe okufwa. Siga Abharuumi bhamuramure.

Yeesu kaaretwa imbere ya Omutungi wa Echiruumi, Piraato. Abhatangasya bha Abhayawudi abhakungirisyabhaanu. Abhamwaya na okumubhuura kwa mbaga nyafunyafu.



Angu, owaayika ki inguru ya joone jinu abhakusitaaka? Angu, utari na gwa okusubhya?



Nitakurora echikayo choonechoone ku-muunu unu. Gunu ni mwanya gwa ichikukuru ya Okwambuka. Woori niigurire ga, Bharaabha amwi Omukama wa Abhayawudi?




Angu, waakora ki?

Anye, niijire okusoosya obhubhambaasi bhwa echimari.




Echimari niki?



Bharaabha!

Bharaabha!



Mbe woori, omwenda nikorere ki Yeesu unu?

Mubhambe ku-musarabha!


Omwene keetogera ati niwe Omukama!

Araabha ukamutaatira, mbe utari musaani wa Kayisaari.



Awe owiigurirwa nawe Yeesu kaasigara-mo.

Bharaabha kaataatirwa. Omwene aariga ari na echibhibhi cha okwita inguru ya isiyaasa.




...37, 38, 39!



Anye nitari na echikayo choonechoone ku-rufu rwa omuunu omurengeresi unu.





Naakukeesya, Omukama wa Abhayawudi!







Piraato kaatura-ko orunabho ku-ndamu. Okubhambwa ni ndamu mbiibhi muno ya orufu. Yeesu kaabhatura omusarabha, eryo niryo riiti rya ebhinyaasyo, kaatura ku-maparapara ga mu-musi gwa Yerusareemu ariyangire.

Abhaanu abhabhambirwaga anja ya omusi. Orubhaara orwo orutogwa ati Gorigoota, orubhaara rwa echiyanga cha omutwe.



Anu abhasirikare abhabhamba Yeesu kwa emisumaari ku-musarabha.





Amakaamo ganu agaturwa ku-musarabha agaayika mu-nyayika esatu ati, "Yeesu, Omukama wa Abhayawudi."

IESVS NAZARENVS REX IVDAEORVM
 IHSOYCE 'O NAZAPAIOS
 OBAEIAEYE TERN 'IOYDAIARN
 יֵשׁוּעַ הַנְּצִרִי מֶלֶךְ הַיְהוּדִים

Yeesu kaarema okunywa echifuufu chinu echisoosya-mo obhwasye.

Abhasirikare abhabhumira emyenda jaaye jikuura.

Yee! Angu, ataawon'yaga abhandi?

Araabha awe uri Mwana wa Nyamuwanga, mbe iika okusooka ku-musarabha!

Iwon'ya awe omwene, na eswe wone!


Ni kurwa ki awe utakuubhaya Nyamuwanga? Eswe chaaramurwa okuruubhana na ebhikayo bhyeswe bhinu chikorere. Nawe omwene, atakorere echikayo choonechoone.

Unyichuke runu uringira mu-bhukama bhawo.

Enikubhwira echimari, reero inu owuja okubha aamwi na anye mu-rwire.



Yakinga saa etaanu na imwi mu-mwisi, risuubha ryasima. Bhuri chiinu chaabha mu-chisuute.




Maryamu nyiramwene Yeesu, na Yowana omwiyigisibhwa wa Yeesu, abheemereeguru ayeeyi na omusarabha.

Woori emwe muri rwa omwana na nyiramwene.



Nyamuwanga waani! Nyamuwanga waani! Kurwa ki waansiga?



Niri na obhwiro bhwa amanji.



Raata, enituura omwoyo gwani mu-mabhoko gaawo.



Jaakuumira.

Yeesu kaafwa saa etaanu na ena mu-mwisi. Omusirikare umwi kaasoma Yeesu na richumu mu-mbafu, amaanyinga na amanji agafwa okweresya ati aafwa.



Jikaamirwe mu-Bhikaame Ebhyeru ati, ":Aatangasiibhwe rwa inaama inu eja okutemwa-ko omutwe."



":Aasomerwe na okubhumwa inguru ya ebhibhiibhi bhyeswe." Nawe woori afuuwe.




Angu, unu niwe Masiya unu aarindirirwaga okuuja amwi ati atari niwe?



Mbe, woori chigende, chisabhwe araabha echiikirisibhwa okumusiika.



Jejefu wa Arimataaya na Nikodeemo abhagega omutumbi gwa Yeesu. Abhagusinga mw-isanda na ebhirange, na okugutuura mu-fwa. Abheegara omuryango gwa iifwa na ribhuyi rinene.



Ichikukuru ya Okwambuka yejire yaatura, abhagasi abharebhe bhanu bhaariga bhasurumbaaye muno, abhaja ku-fwa irya.




Kurwa ki omuyenja unu ari muwanga mu-bhafuuwe? Aasuuruka. Mugende bhwangu mubhwire abheeyigisibhwa bhaaye!



Ribhuyi riyiringisiibhwe okusooka ku-fwa!






Peetero na Yowana okuongwa kutyo, abhabhirima okuja ku-fwa.



Chaabha-wo ki?


Mu-fwa chitari-mo chiinu!





Orusiku orwo, abharuubhirisya bhabhiri bha Yeesu bhafuuwe emitima chimwi, abhabhugana na omuribhasi keenu nibhasimuraga inguru ya okwitwa kwa Yeesu...

Kasi emwe mutakwikirisya joone jinu :jaayikirwe na abharagi? Angu, jaariga jiteeyire Masiya okunyaasibhwa korereki eengire mw-ikusyo ryaye? Ejo joone jikaamirwe mu-Bhikaame Ebhyeru!



Omwanya gunu bhaariga bhachaarya awoawo omugenyi kaabhura...

Kasi, oyo aariga ari Yeesu omwene!



Omwanya ogwoogwo abheemuka okuja okuyenja abharuubhirisya abhandi bha Yeesu.


Chaarora Raatabhugenyi!

Maryamu na Peetero wone bhaamurora!



Awoawo...

Omurembe gubhe na emwe.




Angu, mutakwikirisya ati naanye omwene? Murore amabhoko na amaguru gaani!




Raatabhugenyi waani na Nyamuwanga waani!



Yeesu kaasoroomokera abharuubhirisya bhaaye agendeye-ko ku-mwanya gwa siku makumi gana. Keebhuurisya nooro ku-bhaanu magana gataanu ku-mwanya gumwi. Rusiku rumwi kaasoroomokera jitungwa jaaye nijitegaga mu-nyanja ya Gariraaya...





Peetero, angu chimari owunyenda?



Yeesu kaabhuusya Peetero ribhuusyo eryoeryo kwiya kasatu...



Yee Raatabhugenyi, awe owumenya ati enikwenda.

Yangarira jinaama jaani!



Munduubhe!


Nyamuwanga anaaye obhuturo bhwone bhwa mu-rwire na obhwa ku-chaaro. Mbe, mugende ku-bhaanu bha amaanga goone mubhakore okubha abheeyigisibhwa bhaani. Mugende mukore kutyo kwa okubhabhatiija kw-isiina rya Raata, na erya Omwana na erya Mwoyo Mweru na mubheeyigisye okugwata amaragiro goone ganu :naabhabhwiriye.



Mwichuke ati, anye niri aamwi na emwe siku joone, okukingira ku-bhuteero bhwa echaaro.

Okumara okwayika emisango ejo, Yeesu kaasooka ku-chaaro na okuja mu-rwire. Nawe wone aayika ati, arisubha rindi okuramura abhaanu bhoone...

Abharuubhirisya bhaaye abharindirira mu-musi gwa Yerusareemu, keenu nibhasabhwaga. Mwoyo Mweru, Mwoyo wa Nyamuwanga, keengira mu-myoyo jeebhwe na okubheejusya. Mwoyo uryaurya unu aariga ari mu-mwoyo gwa Yeesu woori eekaaye mu-myoyo jeebhwe. Kaabhakora okubha ebhibhumbwa bhiaaya bhinu ebhisoosya obhubhambaasi inguru ya Yeesu.



Orufu :rutaaturire okugwatorira Yeesu. Nyamuwanga :aamusuuruuye okusooka mu-bhafuuwe. ^Naamukora okubha Raatabhugenyi, Masiya.

Abharuubhirisya bha Yeesu abhagenda woonewoone ku-chaaro okuubhaya obhuyaajani obhururu wuri.



Yeesu ni Mwana wa Nyamuwanga!




Emisango ja Ekisi jinu :jaaraasiibhwe wone ku-njira ya jinyarubha.

:Aagegere ebhibhiibhi bhyeswe ku-mubhiri gwaye omwene bhunu :aafuuwe ku-musarabha. Nikwo okukora chibheeye rwa abhafuuwe inguru ya ebhibhiibhi bhyeswe na okwambira woori na okugenderera, echitura okwikara rwa kutyo Nyamuwanga keenda chikare.

Woori abharuubhirisya bha Yeesu woonewoone ku-chaaro kunu, abhabhugana aamwi okuromba na okusoma Inyabhurira. Abhabheganya omukaate na okusangira aamwi echikombe cha echifuufu ruri rwichuko rwa orufu rwa Yeesu. Ni bhwira bhwa Nyamuwanga ati abhaja okweresya eryenda ryaye, rinu riri mu-myoyo jeebhwe ku-bheekasyanya bhejaabho.

Yeesu akorere obhukarariye
bhwa Nyamuwanga
bhuturikane ku-bhaanu.



Yeesu kaacheenda!
Umusiime na umuramy!



Nyamuwanga keenda echaaro okukingira
aasoosya Omwana waaye umwi era.
Omuunu woonewoone unu kaamwikirisya
atakutura okubhura rindi, tari kaabhona
obhuwanga bhwa akajaanende.

WILLEM DE VINK

Inyabhurira

Orugani inguru ya Yeesu ni rwichuko mu-Nyabhurira. Chitari-wo echitabho echindi chinu :chaasomerwe na chinu echisomwa woori anu kwiya kaafu okukira Inyabhurira. Ni chitabho chinu chijjuuye ebhitabho. :Jaaweeye emyaka chiwumbi chimwi na magana gataanu okukaama ebhitabho bhinu bhyone. Inyabhurira :yaamarirwe okukaamwa emyaka chiwumbi chimwi na magana gataanu na gana jinu jiturire. Eyiwumbanya aamwi ngani nyafunyafu inguru ya Nyamuwanga kutyo esweruuye mu-bhurame bhwa abhaanu. Orugani rwa Yeesu orweresya muno kutyo Nyamuwanga ari.


Orugani Rwa Yeesu

Inyabhurira iwumbanyiisye aamwi ebhitabho 4 bhinu ebhyeresya obhurame bhwa Yeesu. Bhitogooywe kwa okuruubha amasiina ga abhakaami bhaabhyo. Abhakaami bhoone :bhaaramire ku-mwanya gwa Yeesu.

1. **Mataayo** - Aariga ari omwiyigisibhwa wa Yeesu. :Aakorere emirimu rwa omutobhesya wa rigooti. Kaayobhoora kutyo Yeesu aariga ^naafurubhenda na abhaanu bha Yisirayeeri (Abhayawudi).

2. **Maariko** - Aariga achaari musigaji omwanya gunu Yeesu aariga ^naakora emirimu. :Aakaamire myafu inguru ya ebhiruguusyo bhinu Yeesu :aakorere.

3. **Ruuka** - Aariga ari muragusi. Omwene :ataabhugeene na Yeesu. Ruuka :eeresiisye kutyo Yeesu :aafurubendaga na abhaanu.



4. **Yowana** - Omwene wone aariga ari muruubhirisya wa Yeesu. Omwene niwe :eeresiisye ati Yeesu niga. Yeesu ni Nyamuwanga wone ni muunu unu :eejire okutuura abhaanu mu-bhwitaage okusooka mu-bhibhiibhi.


Okwibhurwa Kwa Yeesu

Nyiramwene Yeesu, Maryamu aariga
achaari okutwarwa omwanya gunu Yeesu
:eebhuywe. Aariga achaari omuyara juma.
Obhutinge bhwa Nyamuwanga bhariga
bhuri ati, Yeesu eebhurwe. Echiruguusyo
chirya :chaaraasiibhwe mu-bhitabho bhya
kara Yeesu achaari kwibhurwa. Yeesu
:ateebhuywe rwa omuunu wa ribhaasi
amwi omuunu wa echibharo. :Eebhuywe
mw-itubha rya okuriisya-mo jiing'a kwa
okubha :bhataabhwene owa okumaama
mu-nju.



Ebhiruguusyo Bhya Yeesu

Yeesu :aakorere ebhiruguusyo
bhyafu. Inyabhurira eyaayika ati
:aawosiisye abhaanu okukira kwiya
makumi gana. Ku-njira ya
ebhiruguusyo, Yeesu :eeresiisye
obhuturo bhwa Nyamuwanga na
eryenda ryaye. :Eeresiisye ati
Nyamuwanga keenda okusakira
abhaanu na okubhakora bhabhe na
rikonderwa.



Orufu Rwa Yeesu Na Obhusuuruko Bhwaye



Kurwa ki Yeesu :aafuuwe? Ameeresyo gasoosibhwe mu-Nyabhurira.

Omwanya ogundi abhaanu bhoone echikora ebhikayo. Emisango jinu jitakukondisya Nyamuwanga na okumukora okubha na risungu amwi okusurumbara. Emisango ejo ejibhirikirwa ati ebhibhiibhi. Ebhibhiibhi bhyone ebhitura okugaanya abhaanu okubha abhasaani bha Nyamuwanga.

Nikwo okukora Yeesu :eejire. Kwa okwisoosya kwaye Yeesu :aagegere omwene ebhitiibha bhya ebhibhiibhi bhyeswe. Ebhitiibha ebhyo bhyariga bhiri rufu. Woori echitura okubha abhasaani na Nyamuwanga rindi kwa okubha Yeesu :aachifwiriiye. Nawe echikenwa okusabhwa echigongo ku-bhibhiibhi bhinu :chaakorere.

Yeesu :aasuurukire okusooka mu-bhafuuwe. Nyamuwanga :aamukorere okubha omuwanga rindi. Ku-chikorwa echo Nyamuwanga :aacheeresiisye ati omwene ari na obhuturo okukira orufu.

Risabhwa

Araabha ukata ebhikayo bhinu :waakorere na araabha oweenda okubha omusaani wa Nyamuwanga, owutura okusabhwa risabhwa rwa rinu:

"Nyamuwanga owa eryenda, unyendere.

:Watumire Yeesu omwana waawo enyere era.

^Naafwa ku-musarabha inguru ya ebhibhiibhi bhyani bhyone bhinu :naakorere.

Enisabhwa unfwire echigongo.

Wakondya kwa okubha Yeesu ari rubhaara rwani.

Bhuri mwanya eneenda nibhe omwandu gwawo.

Enisabhwa unsakire niikare obhurame bhunu oweenda anye niikare.

Ubhe ayeeyi na anye bhuri mwanya.

Wakondya kwa okubha woongwa risabhwa ryani.

Owukora bhuri chiinu chinu uragire."

Yeesu Na Awe

Orugani rwa Yeesu rutari na obhuteero. Yeesu aariga ari musaani wa abhaanu bhaafu muno, okukingira woori anu. Echaaro chaayindukire. Abhaanu bhaafu bhatakuja rugendo kwa okutura ku-sikiri amwi ku-faraasi nawe abhagenda kwa okutura mu-mootoka na mu-ndege. Nawe inu itakukora okubha na obhutaasyanya ku-Yeesu. Kaatura okubha na eswe rwa kutyo aariga ^naaribhata Yisirayeeri. Atakubhonekana nawe omwene ni chimari.

Keenda okubha omusaani waawo reero. Mutegeresyey na owutura okumwenda.

Angu, oweenda okumenya muno inguru ya obhurame bhwa Yeesu? Owutura okukora jinu ejiruubhira:

1. Yaamba okusoma Inyabhurira awe omwene

(Ku-chijekekanyo, yaamba okusoma echitabho cha Ruuka).

2. Yaamba okusabhwa

(Roma na Nyamuwanga na umutegeresyey - utakukenwa okwayika emisango ja bhusibhusi).

3. Roma na abhaanu abhandi inguru ya Yeesu na Inyabhurira.

Yeesu keenda abharuubhirisya bhaaye okubhugana aamwi na okusimbisyanya na okwiyigira muno inguru yaaye.

Text and illustrations: Willem de Vink.


Copyright © 1993 Stichting Wereldtaal, Houten, The Netherlands. Published in Dutch as "Jezus Messias".

Edition in Jita (Tanzania) © 2019

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com



*Yeesu Masiya! Runu ni rugani rwa echimari inguru ya Yeesu Masiya.
:Eekaaye Yisirayeeri myaka 2000 jinu jiturire. Bhuri muunu unu
:aabhugeene nage :aamuruguurire. Atari-wo omuunu woonewoone unu
:aakorere omusango gunu omwene :aakorere. Atari-wo omuunu unu
:aayikire emisango jinu omwene :aayikire. Ebhiruguusyo :bhyagendereeye
okukorekana anu Yeesu aariga ari. Ka wone :aareetere rikonderwa na
risandabha ku-bhaanu bhoone bhanu bheendaga okumutegeresya.
Awoawo ^naakinga ku-bhuteero. Abhasoko bhaaye nibhareeterera eetwe.
Nawe obhwo bhwariga bhutari bhuteero. Soma awe omwene kutyo
:jaakorekeene na okurora kutyo orugani rwa Yeesu Masiya orugenderera.*



*Inyayika: Echijita
Language: Jita (Tanzania)
ISBN: 978-90-73150-89-8*